

山西府縣志輯

中國地方志集成

光緒汾西縣志
雍正平陽府志(一)



中國地方志集成

山西府縣志輯 ④④

光緒汾西縣志

雍正平陽府志（一）

鳳凰出版社 ● 上海書店 ● 巴蜀書社

原脩汾西縣志序

粵稽太史採風謠職方掌版籍凡十五國
之貞淫咸上其事於王朝其時無所爲志
也迨班固志地理兼及民風俗尙著述家
多宗之郡邑各自爲紀此志之所由昉乎
三晉爲域中奧區山川形勝人物風土自
昔稱最而汾邑其一隅也邑處萬山之叢
其地瘠其民貧貨物無所聚財用無所出
民自畊鑿而外絕無事事儉嗇簡陋實有
陶唐氏之遺風焉明季遭罹兵火地方凋
殘戶口零落莫汾爲甚
聖朝鼎興深仁厚澤遍及陬澨而汾邑瘡痍未
能盡起以故圖籍之事不遑及也歲丁酉
廣川李公來令茲邑以邑乘不可不脩於

是起而輯焉及余下車閱其成書大綱細

目雖然並舉但繁簡未盡合宜紀載尙多

闕畧因陋一時難垂經久意欲增輯者久

之念一行作吏碌碌簿書撫字催科日不

暇給且當荒歉之後踏勘無有虛日九年

秋 巡撫達單車莅止躬詢民間疾苦諳

諳於勸農桑課織紉招流亡而余也上承

清訓下撫殘黎勤招徠而嚴釐剔時以不

克勝任爲懼乃陽和遠播山邑皆春未踰

年而歲頗稔民稍安流離瑣尾漸集而余

之殫心竭慮惟恐隕越以無副章程者亦

獲幸免於罪戾斯豈非福星臨馭而烏能

至此乎今遇

皇上垂裳之日命禮臣纂脩天下一統志徵取

郡邑志書以備採擇 學憲謝 郵檄至
汾余職列錢穀之司無能越俎又慮才識
之薄恐滋濫觴既而私心自念曰國有史
邑有志凡以攷古今載治忽彰政教也三
晉之民蒙

聖世德化之淪洽 撫憲仁恩之洋溢 方伯

憲長郡伯諸大人慈祥愷惠之施窮谷深

汾西縣志

卷一 原脩序

三

山罔不被休焉汾雖蕞爾乎沐膏澤而受

薰陶較之昔日亦大變矣瘠者以饒貧者

以裕儉嗇者益以禮讓簡陋者進以彬雅

人才輩出科目繁興多士濟濟登於朝文

章奕奕光於國子與子言孝臣與臣言忠

而且貴賤不相陵貧富不相耀風俗以厚

人心以正此皆

聖天子暨諸 上臺教化之所由致也余忝末

員亦竊比於宣上德達下情焉語曰天道

五年一小變十年一大變人當因時與爲

損益則志之脩又安容已乎於是集邑紳

士耆老廣加收採冗者刪之闕者補之俚

者文之計月而書告成然則斯舉也一以

志

汾西縣志

卷一 原脩序

四

聖世久安長治之麻一以志諸 憲清風惠澤

之溥一以志汾邑士庶心臧之美一舉而

三善備焉矣因忘其固陋而爲文以弁其

端以志盛也亦以志勉也夫皆

康熙十三年歲次甲寅孟秋嚴陵蔣鳴龍題於

汾署之思補堂

續脩汾西縣志序

歲庚辰三月良承乏茲土甫入境見

邨落成墟蒿萊滿目盡然傷之既下

車接見紳耆披覽舊志乃知地方彫

敝自明季而已然幸沐

皇朝深仁厚澤淪浹二百餘年風俗丕變

民物繁興向之蕞爾瘠區已蒸蒸日

序

上矣年來昊天降割饑饉洊臻前大

令于公以死為民請命則林總之衰

耗可知也仰蒙

今大中丞威毅伯曾公暨

各憲長體察疾苦據情

入告蠲賦弛徵移粟撥帑解衣推食瘞死

恤生購牛具發籽種所以賑卹而招

撫而安集之者比侘邑加厚非私也

毋亦謂汾之為地瘠而今之災又如

此其甚也宜乎孑然之遺黎所不能

一日忘者也先是五年夏

大中丞以賑務既竣懼

朝廷蠲拯殊恩久而或佚爰有重脩三晉

通志之請得

序

二

首俞允檄下屬縣於舊志外續加增輯以

備採擇時曹大令權縣事敦請司訓

賈君執鈞邑紳途君錦鑣龐君萃桐

任其事書未及成會良蒞任奉省畊

之檄周歷四鄉以補不足遂訪佚事

於牧豎農夫之口尋斷碣於荒煙蔓

草之中更舉賈途諸君所彙集互相

攷證僅就見聞所及采訪所得與夫
吏牘尚存於朽蠹之餘者連綴成篇
其間天時之往復人事之變遷物理
之盈虛

君恩之稠疊一一必從其實大要詳於近
事而略於其所不知以云慎也即謂
以之資觀感存風勵景前脩以誌後

序

三

志是編雖未大備亦或不無小補焉
舊志成於 康熙十三年厥後迄未
補脩茲舉始於五年冬竣事於六年
仲夏例得並書是為序
光緒六年歲次庚辰夏五月

知汾西縣事蒙古錫良甫撰

事有見其始於前不獲觀其成
於後者往往然也矧余之於汾
不無奢望焉四年夏前任于公
為民捐軀 安瀾 奉委代理斯篆
甫入境見夫老弱流離道殣相
望蓋汾民之億極矣辦賑月餘

序

一

去署鄉甯雖賑務大略相同而
灾分輕重汾之民未嘗一日忘
懷也六年七月錫君清弼調署
平遙余復來署理以續脩之縣
志稿授余令卒其事披而閱之
見其條分縷晰創因各當所以

補前人所未及者詳且備矣余
覆加校正急付剞劂獨是余之
於汾何日能慰吾望也人民去
八九其何以庶田地半荒蕪其
何以開財用不足而貢賦堪憂
禮讓不興而文風宜振是必有

序

二

賢士大夫當大祲之後撫之以
仁慈加之以教澤使異日再脩
縣志列諸政蹟觀民情之變易
即以見吏治之賢能而後予之
心慰也請以俟後之宰斯土者

光緒七年歲次辛巳秋九月

署汾西縣事山陰馮安瀾甫撰

序

三

重脩汾西縣志總目

卷首

序文

發凡

圖 天文 山河 疆域 城郭附

卷之一

星野 附占侯

疆域 閻隘附

山川 津梁附

汾西縣志

卷總目

建置沿革 附防表

卷之二

城池 附坊里 市鎮 舖舍

公署

倉庾

學校

祠祀

卷之三

貢賦 人丁 運支 戶口附

屯田

水利 井泉附

鹽法

兵防 警房附

馬政

卷之四

職官

名宦 附毛公政畧

卷之五

汾西縣志

卷總目

選舉

封爵 新增恩廕封贈移附

人物

卷之六

忠烈 新增

孝義

文苑 新增

隱逸 新增

列女

卷之七

仙釋

風俗 土產附
附輿革紀畧

古蹟

陵墓 陵闕

寺觀

祥異

卷之八

藝文 序記 傳贊 詩

汾西縣志

卷總目

三

汾西縣志卷總目終

重脩汾西縣志發凡

汾志其來遠矣元以前燬於兵燹遺墨久湮明時
毛公炯所編纂暨

國朝廣川李公之增輯亦概乎無存今所刊嚴陵蔣
公康熙甲寅手訂縣志八卷精確雅馴既嚴且覈
小序論斷不苟為炳炳烺烺洵良吏而兼史才者
也顧其時迫於一統志功令一月成書掇拾編次
或非盡出自蔣凡例謂不另旁搜續輯恐致訛舛
慎則慎矣似過傷謹嚴好古者訾焉咸豐甲寅冬

汾西縣志

卷發凡

一

先大夫春泉公自稷來權汾篆吏以前志進庭訓
汾令不少循良儒吏何歟矧邑乘為敝帝蓋綠邑
小而貧酌水盟心僅乃集事因陋就簡其勢然也
然我

朝制定功成諸大政典終當補載若生於斯吏於斯
忠孝節烈科甲循良亦豈可任令與草亡木卒同
腐朽乎五日京兆有志未逮翹識諸心不敢忘越
二十七年為

今上紀元之六年蒙古拜岳特氏清弼錫君以青年名

進士作宰當道器重量移繁劇暫格於例始莅是邦翹佐治長平之舊居停也舊地重聯舊雨城郭猶是人民已非君則識益深問益下愛士恤民一以長平之治爲治時大稔後瘡痍未復周歷四鄉省春耕而籌補助招撫流亡日對遺黎咨嗟太息兼以續脩邑乘秉筆諸公苦於年湮世遠文獻無徵君爲因便搜羅繩幽鑿險不敢告勞每有所得手撰以示翹俾佐參訂之役既成續志呈送通志局採擇矣復念舊志二百餘年板皆漫漶殘缺欲

汾西縣志

卷發九

二

新舊並哀都爲一集會有省門之行屬翹草創以俟且曰歐陽公作新唐書事增文省志亦史類君所知也翹承命悚惶私竊自維學殖久荒且抱弱疾雅未夢見三長奚敢妄司刪訂惟見君視公事如家事毅然任之如此其治行之卓自當力勉與毛蔣二公相伯仲不敢率爲貢腴若舉二百餘年久廢之典後先輝映則尤有較難者矣爰不揣固陋依類合編軼者增之闕者補之冗者節芟之文增無幾事鮮挂漏於天時人事風化學校諸闕

懲者亦碑精畢力以從事待君公旋訂正然後就有道而潤色焉匪敢希踪神誥亦藉手以竟先大夫之志也謹詳義例於左

一舊志遵豫省例分星野等二十餘門今添封爵忠烈文苑三門實隱逸一門餘仍之共得三十二門

原總目註闕字者刪之原附倉廩改倉庾專門

一舊志圖考天文山川仍舊城池應照今另圖學校

公署均當補繪山城稔後無善繪事者因存

舊圖於首

一舊例志爲一邑之舉言詞夸詐考據鮮當累牘盈

汾西縣志

卷發九

三

帙不足以資觀感嗣奉一統志館徵取將備史氏

採錄語必精詳事必徵實云云茲亦

一仍其例不敢徒侈宏博類附於其次今仍之

一舊志無綱有目其有不及詳悉者各依

一綱首各冠小序原以便於觀覽若徒摭典故轉類

玉卮無當茲輯半仍舊序卽有因時改更仍守寧

儉毋華之戒舊者必爲注明避掠美也

一建葺有裨民俗闕治理資考據者雖廢必書不致

以前事荒缺而遺

一移公署之附列倉廩專立一門重儲精也改預備

爲常平匪但欲其顯名思義亦所以彰

昭代之令典而以社義二會附之

一田賦人丁闕係最鉅今將舊額詳載於前現時贏

繼輸納運支各數目依次彙入俾初蒞者可

按圖稽覈

一名宦舊志所列毛公政蹟彙括傳後餘亦刪節續

脩所得數人代遠年湮淹沒者曷可勝數甚至並

姓名籍貫亦無可考茲已各爲列傳非僅褒美揚

善亦聊以資觀感存風勵云爾現在諸公應俟益

指論定不濫及

汾西縣志

卷發九

四

一人物風俗一屬靈毓所鍾一則移易之本闕繫尤

重汾自雍乾以後甲第無人然老成典型不少概

見爰將信而有徵者各爲列傳至風俗之滯已見

舊志茲則仍舊紀載願各爭自濯磨以復陶

唐舊俗焉

一忠孝節烈非可襲取例頌已列奏章曾經表揚入

祠方許彙入至列女一門原不僅志節義壺德母

儀足以矜式閭閻垂型千古皆應紀載禮也汾苦

貧窘無希名之念湮沒滋多今並鄉評推重輿論

僉同者概錄以維風教而示善善從長之意惟見

聞較隘採訪無多尙俟續輯

一專有似緩而實急者堡寨防禦是也平日守望相

助有事憑險捍衛舊志所列仍著於篇示

備葺或不虞也

一古蹟有闕政治風化者深人景仰起人憑弔者力

事搜輯以示愛禮存羊之意較舊志闕畧加詳

一祥異係天人感應之機人事見於下斯天道應於

上舊志始自前明成化以前者無從臆補今所紀

亦止近數十年事均屬不詳不備惟於邇年大稔

旱災之類並舊志嘉祥盛瑞備載無遺以昭

汾西縣志

卷發九

五

曠典而明休咎

一藝文掌故所闕軒軒所采茲自元明始雖彙簡殘

碑概爲列入詩文必有闕政治山川者始行擇錄

掛漏雖多較原志頗臻詳審

一新增封爵紀左丞父子之茅土也移舊志選舉門

恩廕地封易作封贈附之

一新增忠烈以勸忠文苑以勵學隱逸則以表

聖世之逸民皆邑乘所應有非好事也

一邑志重脩自康熙甲寅列有編纂較訂各姓氏網

羅別扶前事為師茲仍列名於篇首并存前後原序紀所自也

楚北漢陽周桐軒甫識

汾西縣志

卷發凡

六

汾西縣志卷之發凡終

原志姓氏

編纂

知縣蔣鳴龍字飛占浙江建德人拔貢

較訂

傅南宮 邑拔貢

王熊祥 邑廩生

採輯

孟良弼 邑廩生

孟朶鄒 邑廩生

汾西縣志 卷姓氏

九

傅爾宏 邑廩生

李射斗 邑廩生

鳩工

郭維法 邑增生

要凌雲 邑增生

郭紳天 邑增生

繕寫書吏

趙盛榮

趙金汁

牛則宏

劉四維

侯帝爵

喬大用

龐勳化

喬廷梁

王經業

郭漢鼎

續脩汾西縣志姓氏

總纂

知縣曹憲字玉泉順天大興縣監生

知縣錫良字清弼號夢如蒙古鏤藍旗進士

知縣馮安瀾字熙亭號滇波浙江山陰縣監生

參訂

訓導賈執鈞字和齋孟縣舉人

周鳳翹字桐軒湖北漢陽縣布衣

分纂

汾西縣志

卷姓氏

逯錦鏞 邑副貢

校閱

龐萃桐 邑歲貢

逯書升 邑舉人

龐繼元 邑廩貢即補訓導

監脩

典史薛朝選字良臣直隸獲鹿縣吏員

採輯

侯光斗 邑廩貢

閻文選 邑恩貢

周文藻 邑庠生

霍光輝 邑廩生

曹寅何 邑廩生

張西銘 邑廩生

郭長俊 邑廩生

王士鑑 邑庠生

王恒彪 邑廩生

牛逢源 邑廩生

汾西縣志

卷姓氏

馬汝舟 邑庠生

繕寫

侯錫光 邑增生

郭冠唐 邑庠生

王文德 邑庠生

逯翰燁 邑文章

王家楨 請獎六品

馬斯聰 邑吏員

逯書奎 邑文章



龐葆陽 邑庠生





諸圖攷


蒲宿圖



參宿圖







汾西縣志卷之一

星野

自保章氏以星土辨九州分野以觀妖祥推測者準焉厥後漢唐晉隋紛紛著述言人人殊無非合九州十二牧以占懸象非僅爲一州一邑分疆理汾隸晉不及百之一分星原自無幾第陰陽之精其本在地其宿列天汾雖一區土不可謂無與於天也乃備考傳紀之可參稽者弁之簡端附以占候以爲觀象脩省之一助 節艾舊志

汾西縣志 卷一 星野

汾之地分屬冀實沈大梁之次 唐志

汾菁參之宿

天市垣第二宿 均寰宇志

隋志云冀州古堯都也舜析爲幽并

丹元子步天歌

三星相近作參葉菁上坐棋直指天尊卑之位九相連
司怪曲立坐旗邊四鴉大近井鉞前

總有三星菁相侵兩肩雙足三爲心伐有三星足裏深
玉井四星右足陰屏星兩扇井南襟軍井四星屏上吟

左足下四天廁臨廁下一物天屎沈

按唐誌及寰宇誌是冀之界域原廣不止山西之

疆土則下而為郡又下而為郡之邑蓋可知矣至

實沈大梁之次按晉天文志曰自胃七度至畢十

一度為大梁趙分野自畢十二度至井十五度為

實沈魏分野天文箋註謂星一度可當二千九百

三十二里汾地廣袤不踰一百數十里何嘗分星

千百之一況分野十二次亦星家錯舉分屬之詞

汾初屬魏後屬趙正不得膠執以為某區屬某次

汾西縣志 卷一 星野

也故仍其舊誌曰屬冀實沈大梁之次并附觜參

二星之占候焉

占候 附

觜三星一度在參之右角主天之闕明則天下安

五穀熟又為三軍之候行軍之藏府明則軍儲盈

將得勢動而明盜賊起金火來守兵起灾生坐旗

九星主別君臣尊卑之位明則國有禮司怪四星

候天地日月星辰禽獸蟲蛇草木之變

參七星十度一曰參代一曰天市一曰天越主斬

刃又為天獄主殺伐又主權衡所以平理也又主

邊城九譯不欲其動參為白虎之體其中橫列三

將也東北曰左肩主左將西北曰右肩主右將東

南曰左足主後將西南曰右足主偏將故占參以

應七將皆主邊兵七將皆明天下兵精軍散參區

角動搖邊候有急中央三小星曰伐天之都尉也

伐星明與參等玉井四星在參西左足下水象也

屏四星在玉井南玉井東下四星曰軍井行軍之

井也軍井未達將不言渴名取此也天廁四星在

汾西縣志 卷一 星野

屏東黃吉甘氏曰參為忠良孝謹之子明大則臣

忠子孝